

مطبعه و محل اداره :

جفبال اوغلنده امنيت
صندوغى جوارنده
شنگول يقوشنده
۲۵ نومبر

مشتاقنامه

۱۳۲۶

افطار :

مسلكه زده و افق آثار
جذبہ مع الممنونيه
قبول اولنور

درج ايدلمه ين آثار اعاده اولنماز

دينه ، فلسفه ، علوم ، حقوق ، ادبيات ، تاريخ ، سياسيات ، و بالخاصه احوال و مشوره اسلاميه بحث ايدرو هفته ده بر نشر اولنور .

آبونه بدلى

صاحب و مؤسسلى :

درسعادتده نسخه سى ۵۰ پاره در

ابوالعلا زين العابدين - ح . اشرف اديب
تاريخ تأسيسى

قيرله دن مقوا بورو ايله كوندريلىر سه سنوى
۲۰ غروش فضله آلنير

۱۰ تموز ۳۲۴

سنه لکى	التى آيلنى	غروش
ممالك عثمانيه ايچون	۶۵	۳۵
روسيه	۶۵	۳۵
سائر ممالك اجنبيه	۱۷	۹

آلتىجى جلد

۷ ربيع الاخر پنجشنبه ۲۱ نيسان ۳۲۷

عدد : ۱۳۹

خصوصاً صندیه حکومتك معالجه سیاستی جلب واستحصالة غیرت و همتریخی دین و ناموس اقدس نامنه بالخاصه نیاز واسترحام ایلم .

عفت اسلام نامه

بر عاجز

تو کیودن :

۲۰ ربیع الاول سنه ۳۲۹ تاریخنده ژاپون دولتک پای تخی بولنان توکیو شهرینه رفیق فضیلتو علی رضا افندی ایله علی الصباح واصل اولدق ریکشه ایله برژاپون اولتنه کیتک اشباری اولتده براقه رق ینیه ریکشه یه راکیباً توکیوده بولنوب درت بش سنه اقامت ایدن فاضل محترم صاحب حمیت احمد فضل بک افندی ایله فضلالی هندیه دن احرار اسلامیه دن محمد برکت الله افندی جضرتلرینی زیارته شتاب اولندی شو غیور و مجاهد قرداشلریمک . نزل عالیلرینی بیله مدیکمزدن مقدما پکینه ارسال اولنوب، الیزده بولنان انکلیز لسانی ایله اخوت اسلامیه نامیه توکیوده نشرینه موفق اولدق لری جریده فریده لرینی رهبر ایده رک عربجه جیلر بیله مدکلرندن بر پولیسسه سؤال اولندی پولیس دخی عربجه جیلره بر اولندن سؤال اولمسنی بیان ایتدی، اوتله وارلیدی . اورادن دفتره باقیله رق بر خبر صحیح آلدی . یوله روان اولندی . برادریم احمد فضل بک خانه سنه واریر وارماز ، یوله کندیسی بزه تصادف ایتدی ، ژاپون زادکانندن بریسی ایله چارشویه کیدیورایمش ، « السلام علیکم » دهرک بزی استقبال ایتدی . برلکده خانه عالیلرینه عودت ایتدک بر آز مکالمه دن و محبتدن صوکره بیوردیلرکه : « بوکون ژاپون عادات قومیه سی واردر ، کورلمسی لازمدر . برلکده کیدرایسک پک ممنون قاله جفر » موافقت ایتدک ، کیتدک . توکیو کنارنده دکزکی کورینور برنهر کورلیدی . کوپریدن . کوپری یه ، قایتدن قایقه اطه لر ایله مزین نهر دیزه قدر صو وچامور . مکر آنک ایچنده بولنان بالقلری ستون اهالی بیوک کچوک ، قادین ارکک ال ایله و آت ایله مدیه ونه راست کلیرایسه چیقارمق اوکون آنلرک سیرانی وعادات قومیه لری ایمش . اوکونده کوزل بر هوایه تصادف اولندی . تا ایکندی یه قدر اوراده قالدی . قایق ایچنده قالمق واکل ایتک شرط ایمش . بسیط یمکلری ، بسیط چایلری ایچلیدی . زیرا بولنرک هرشی بسیط ، تمیز و ظریف یایمق اوزره معاهده ایتمش اولدقلری آکلاشلدی . او قدر جم غفیرک چوغی عربان اولدقلری حالده هیچ بر نزاع و فزاعه تصادف ایدلیدی . وهرکس کندی ایشیه مشغول ، نه کوزلتی وار ، نه ژاندارمه ونه پولیس . اولسه بیله کسه بیلمز ، کسه کسه یه باقماز . قایق دروننده ایکی خواجه عمامه وجبه و برفسلی بویه برقیافت آز کوردکلرندن دقتی باقیورلرایدی . بالاخره عودت اولندی . فقط اوراده پک چوق شیار مشاهده اولندی : ایاقلرنده نعلین ، بتون ملی قیافت لباسلری ملی و بسیط ، ولو فقیر اولسون

غایت تمیز . سراپا داخلی منسوجات ، هیچ اوروبا اخلاقی و متاعی کندیلرنده بولماز . زیرا احتیاجلری اولمدینی کبی اجنبی ماللرینی آلاماق ایچون اتفاقده ایتمش . حتی عرض ایده بیلیم که اوروپادن هر طرفدن آدمکلر کلوب دکان آچسه لر کسه آنلردن بیع و شرا ایتزلر . کسه یه برپاره و برقاریش اراضی و یرمه مک اوزره قرار و یرمشلر بونی حکومت یایما یور ، کندی معلوما تریدر و حسیات وطنیه لریدر . ذاتاً او قومیان آزدر . حتی ریکشه جیلر ینی عربجه جیلر بیله او قور یازار ، حسابی و نظامی بیلیرلر .

نظام و انتظامدن خارج بر حرکت ایتزلر ، خالی قالدیجه هان غزته آلیر او قور ، آتی براقیر کتاب آلیر . و هر محله ده ریکشه جیلر موجوددر ، جمعیتلری واردر ، متفقاً و محتملاً قرائت ایدرلر . ریکشه جیلر انسانلردر . ذاتاً بر انسان اون حالک چکدیکنی بر عربیه ایله چکوب کیدیور . یوللرده و جاده لرده او قدر انتظام وارکه انسان حیران اولیور ار قدر نظافت وارکه انسان غبطه ایتمه مک ممکن دکل چونکه بو نظامی بزه دینیز امرایدیور ، کتابیز مقدس قرآن جلیل الشان بزه و بتون نوع بشره نظامی مدنیت و عدالت و اتفاق ، سعی و غیرتی کوسترمش ، یکدل و یکوجود اوله رق چالیشمه لیز . نصرت الهیه و توفیقات سبحانیه دائماً بزمه اوله جفته شبهه یوقدر . ایکنجی کون بورایه بر ذات معالی صفات طرفندن تحصیل علوم و فنون ایتک اوزره اعزام اولنان توفیق ، فهمی و منیر افندیلر ایله کورشیلیدی . چوق ممنون اولدق ، کندی حاللری و درس لری ایله مشغول و شمدیلک ژاپونجه بیلیمه سی و غیرت ایدیورلر .

سید طاهر الحسینی

مسلمانلره :

تاریخ اسلامیت تدقیق ایدیورسه کوریلور که ماضی عالم اسلامیه ، دین مبین احمدی سالکینه برکستان عرفان ، بر ساحه ترقی تشکیل ایتمشدر . اوروپانک اک هجرا بر کوشه سی آسیانک اک قویه . بر قصبه سی بیله عرب مدنیت و ترقیات ماضیه سی ، آرنال وودلرک بر - سوق مفاخر سابقه سی ، ترکلرک صبور و متوکل شجاعت مردانه سی ، عجملرک شمس الدینی قطب الدین رازی لرینی سعیدلرینی ودها پک چوق ادبانه سی ، خطبای بلیغه سی کمال تواضعه یاد ایدر .

بوکون بیله خیامک رباعیاتی انکلیز لسانه ترجمه ایدلش واونلرک مراسم دینییه سی صره سننده او قونه جق قدر بر موقع حشمت و بلند قزائمشدر .

ماضی ، اسلامیتک علویتنی دائماً بر داستستان ظفره بر رهبر فیض و عرفان برودادکه دائماً خطمه لرزه بخش اوله رق یاد ایدر .

عربستانک اقلیم حاری اسلامیتک ، انسانیتک مهدی اولدی . ای اخوان دین ، ای خدانک اسلامیتله مشرف قیلدینی سالکین